

3 CHANZO CHA MAUMIVU HAYA MENGI NI NINI?

Matokeo ya yale mabomu yaliyopigwa katika ile vita ya dunia iliyopita, maelfu ya watu waliachwa bila ya makazi.

Mara nyingi watoto walizagaa katika mitaa wakiwatafuta wazazi wao. Wengi wao hawakuweza kuwapata, kwa kuwa aidha walikuwa wamekufa ama ule ukatili wa vita uliwatenga mbali. Pale nyumbani, mahali ambapo ndipo wangepatikana, hawakuwapa tena.

Yote ya mwanadamu ni vurugu tupu. Kuna kitu kilichotokea ambacho kimewafanya kupoteza mwendo wao halisi. Badala ya furaha, tunakutana na hali ya kufadhaika; badala ya kuishi salama, tunakutana na masumbufu. Je, ni kwa nini yule asiye na hatia ateseke? Je, ni kwa nini maumivu, magonjwa na kifo vimekuwapa? Je, Mungu aliumba dunia yenye maovu? Asili yetu halisi pamoja na hatima yake ni ipi? Sisi tumetoka wapi, nasi twaenda wapi? Haya ndio maswali ambayo yanawakalia watu wengi lakini ni Mtoaji wa uzima pekee ndiye anaweza kutoa jibu.



CHIMBUKO LA MWANADAMU

1. Mungu ni Bwana, Naye alikuwako kabla ya kitu cho chote hakijaumbwa. Vitu vyote viliumbwa na Yeye (Mwanzo 1:1). Lakini Biblia inamaanisha nini, pale inaposema katika wingi “Na tufanye”, katika Mwanzo 1:26?

a) Baba wa mbinguni. (Waefeso 4:6).

b) Mwana, Yesu Kristo. (Yohana 1:1-4).

c) Roho Mtakatifu. (Yohana 14:26).

Ukurasa wa kwanza wa Biblia unatuelekeza kunako nafsi tatu za Uungu. Mistari kadha ya Maandiko ya-nataja uwapo wa Kristo katika majukumu Yake katika uumbaji wa dunia hii. (Wakolosai 1:15-17; Waebrania 1:1-3; 8-10).

2. Je, mwanadamu aliumbwaje? Muhubiri 7:29. _____

3. Mwanadamu alipewa karama nne kutoka kwa Muumbaji wake.

a) **Uzima wa milele.** Mwanadamu haku hukumiwa kifo.

b) **Tabia ya haki.** Dhambi haikuwamo ndani yake.

c) **Maskani nzuri.** Maumivu na magonjwa hayakuwapa.

d) **Utawala juu ya kila kitu.** Adamu alikuwa ndiye kito cha taji ya uumbaji. Asili yote ilikuwa chini ya utawala wake.

4. Sharti la pekee alililopewa ili kwamba hali hii ibaki hivi ni lipi? (Mwanzo 2:16, 17).

Kwa ajili ya furaha yake, alipasa kujifunza kutii. Je, kunaweza kuwako na furaha nyumbani iwapo wazazi hawaheshimiwi, ama utaratibu katika taifa utaendaje iwapo serikali haiheshimiwi? Ile sheria ya Mungu iliwekwa moyoni mwa mwanadamu tangia mwanzo. Ilikuwa ndio msingi wa serikali ya Mungu.

5. Mwanadamu akaamua kumtii bwana mwingine – Shetani, mfalme wa giza, akamshawishi. Je, Mungu alimuumba yule “mwovu”? Hapo mwanzo Shetani alikuwa nani? Ezekieli 28:13-17.

Alikuwa ni _____ ambaye _____ dhidi ya Mungu.

6. Mwanadamu akaja kuwa nani pale alipokubali kushindwa na Shetani? 2 Petro 2:19; (Warumi 6:16). _____

- a) Zile karama walizopokea tokea uumbaji: uzima wa milele, tabia ya utakatifu, maskani nzuri, utawala juu ya kila kitu, yalibadilishwa na kifo, dhambi, na nchi iliyojawa na miiba.
- b) Kwa kufanya hivyi, mwanadamu alirithi maisha ya dhambi na kifo, ambayo yanaishia kwenye mauti ya milele na maangamizi ya mwisho.

7. Je, ni urithi gani tulioupata na hali ya sasa ya mwanadamu ni ipi? (Warumi 5:12).

8. Je, kuna mtu ye yote mkamilifu ama mwenye haki kabisa katika ulimwengu huu? Je, ni matokeo gani ambayo kila mwanadamu ni lazima akutane nayo? (Warumi 3:10 – 12, 23; 6:23).

- a) Hakuna mwenye _____
- b) Wote _____
- c) Kwa maana mshahara wa dhambi ni _____

JE, KUNA NJIA YO YOTE YA KUTOKEA?

9. Je, Mungu anataka kwamba mwenye dhambi afanye nini? Ezekieli 33:11.

10. Je, ni kwa njia ya nani pekee twaweza kuokolewa? Matendo 4:11, 12.

11. Je, ni ufumbuzi gani ambao Mungu ameufanya? Yohana 10:7, 9. _____

12. Je, Yesu anatutaka sisi tufanye nini? Mathayo 11:28, 29.

13. Je, daraja pekee kati ya uzima na mauti ni lipi? Yohana 14:6. _____

AHADI ZENYE KUTIA MOYO

14. Je, Mungu anawapatia nini wale ambao wanamwamini Yesu kabisa? 1 Yohana 5:11, 13.

15. Je, kuna ye yote wa kukataliwa na Yesu ajapo Kwake ili kuokolewa? Yohana 6:37.

Mungu anahitaji kutuhesabia haki sisi bure tu, yaani, kutangaza msamaha juu yetu na kutupatanisha sisi kwa neema Yake katika Kristo. “Wanahesabiwa haki bure kwa neema yake, kwa njia ya ukombozi ulio katika Kristo Yesu.” (Warumi 3:24).

HITIMISHO

16. Je, tunapasa kufanya nini ili kwamba tuitwe kuwa ni watoto wa Mungu na kupokea wokovu? Yohana 1:12. _____

Kwa kumpokea Kristo, tunafikia kumfahamu pamoja na kuifahamu sheria Yake, kwamba Ndiye Bwana wetu. Tutamtii kwa njia ya upendo na kwa ajili ya kile alichotutendea sisi, nasi tutajitahidi kwa kila siku kuishi pamoja Naye. Kusudi la kifo Chake ilikuwa ni kutuokoa sisi kutoka katika bonde la magonjwa na maumivu, na kutupatia sisi urithi wa uzima wa milele. Hii ni habari njema. Ama wewe unaonaje?

Uamuzi wangu: Ninaamini ya kwamba Biblia ni Neno la Mungu lililovuviwa, nami ninaazimia kui-chunguza kila siku. ☐ Ndio ☐ Hapana ☐ Nahitaji maelekezo zaidi
